

Političari imaju priliku da predvode reformu

Nakon neformalnih razgovora sa liderima političkih stranaka, premijer BiH, Adnan Terzić i Visoki predstavnik, Paddy Ashdown, pozvali su partije koje su učestvovala u pregovorima na Vlašiću da prisustvuju sastanku u Sarajevu u utorak, 26. jula. Na ovom sastanku bi se trebalo odrediti šta treba da se poduzme tokom ljeta kako bi se osiguralo postizanje okvirnog sporazuma o restrukturiranju policije.

“Najvažniji cilj koji su podržali svi političari u BiH jeste nepovratno usmjeravanje BiH na put ka EU. Dosadašnje angažovanje vodećih bosansko-hercegovačkih partija u ovim diskusijama je za svaku pohvalu. Ukoliko oni žele da održe obećanja koja su dali izbornom tijelu, i ako hoće da pokažu takve rukovodne sposobnosti kakve su potrebne da se BiH povede u EU bez Visokog predstavnika ili njegovih bonskih ovlašćenja, u punoj demokraciji, onda će oni prigrabiti ovu priliku koja je sad pred nama”, rekao je Visoki predstavnik danas.

Reforma u restrukturiranju policije ostaje posljednja velika prepreka pred pregovore Bosne i Hercegovine sa EU o Sporazumu o stabilizaciji i pridruživanju.

“Sada imamo priliku da učinimo odlučan korak naprijed. Bilo koji postignuti sporazum moraće biti odobren od entitetskih Parlamenata: ovo odobrenje mora uslijediti prije sredine septembra, ukoliko BiH namjerava da dobije ikakvu šansu da započne pregovore sa EU o Sporazumu o stabilizaciji i pridruživanju do desete godišnjice Daytonu”.